



RELATÓRIU AUDITORIA SEGURANSA BA FETO

Instituisaun Edukasaun

Antesedente

Fatin ida-ne'ebé seguru ba feto sira mak importante tebes, hodi aseguira sira-nia asesu ba direitu fundamentál, informasaun no servisu. aliña ho Planu Asaun Nasional ba Violensia Bazeia ba Jéneru iha Timor-Leste 2022-2032, Programa Konjunta **Hamutuk ba Igualdade (T4E)**, ne'ebé implementa husi UN Women, UNDP, UNFPA, no IOM, ho objetivu atu prevene no responde ba Violensia Bazeia ba Jeneru liuhusi kria fatin públiku ne'ebé seguru ba feto sira.

Auditoria Seguransa Feto (ASF), instrumentu ida-ne'ebé dezenvolve ona iha Kanada no refinadu/hadi'a husi UN-HABITAT, nu'udar instrumentu atu identifika fatór sira ne'ebé bele hamosu no aumentu violénsia hasoru feto no labarik-feto sira (VKFLF) no fó rekomendasaun atu hasa'e seguransa ba fatin públiku sira.

Hanesan parte husi programa T4E ne'ebé implementa husi **Rede Feto Timor-Leste** no nia membru implementador sira (**UFD Baucau, Esperança, FKSH** no **MANEO**), sei halo auditoria ba fatin públiku 16 no instituisaun públiku 8 iha munisípiu haat ho instrumentu ASF nian.

Inisiativa ida-ne'e, ne'ebé fasilita husi Rede Feto ho apoiu tékniku husi UN Women no apoiu finanseiru husi KOICA, ninia objetivu mak atu avalia no propoin rekomendasaun sira atu hadi'a seguransa, inkluzividade no asesibilidade iha fatin públiku ba feto sira.

Ámbitu

Auditoria Seguransa Feto avalia situasaun seguransa ba feto iha área sira ne'ebé defini ona husi instituisaun edukasaun 4 entre entre fulan Outubru 2022 – Outubru 2023.

Total ema mak partisipa iha ASF hamutuk 340 (feto 201 no mane139). Instituisaun edukasaun 4 ne'e mak hanesan:

- **Dili** - Universidade Nacional Timor Loro sa'e
- **Baucau** - Escola Sek. Jeral Publiku
- **Covalima** - Escola Sek. Jeral Publiku
- **RAEOA** - Eskola Tekvoc Etaro

Metodolojia

Avaliasaun ne'e envolve parte interesada lokal sira iha koleasaun dadus uza metodolojia kuantitativa no kualitativa, inklui Diskusaun Grupu Foku , kamiñada auditoria seguransa feto, no reuniaun validasaun, hodi empodera sira no foti sira nia konsiensia ba asuntu seguransa atu halo instituisaun edukasaun sai seguru liu tan ba feto no labarik-feto iha Timor-Leste.



Auditoria Seguransa ba Feto hala'o iha UNTL iha tinan 2022. Foto: Rede Feto Timor-Leste

Deskobrimentu

Nível persepsaun jerál kona-ba seguransa

Husi ASF ne'ebé halao' iha instituisaun edukasaun haat, evidente katak preokupasaun seguransa sira varia iha área sira ne'ebé diferenti.



Númeru maioria signifikante ida husi respondente sira (55%) hateten katak sira ta'uk, enkuantu 36% sente la konfortavel ho sentina sira. 6% deit mak hatete katak aseitavel ho sentina sira no 3% mak konfortavel.

Nune'e mos, aula sira hetan atensaun notável bazeia ba dadus husi munispiu 2, ho 60% hatete katak sira tauk no 27% sente la konfortavel iha aula. Nível aseitasaun menus . 5% deit mak konsidera sala aula aseitavel no 8% dehan sala aula konfortavel.

Fatin la'o ain hetan resposta ne'ebé relativamente ladun alarma kompara ho sentina sira no sala aula, ho 30% hatete katak sira senti ta'uk no 51% sente la konfortavel.

Maibé, persentajen aas liu mak hatete fatin la'o ain aseitavel (12%) ka konfortavel (7%), indikasaun ida katak persepsaun ba seguransa relativamente diak liu.

Liu tan, auditoriu seguransa mós avalia área adisionál sira hanesan sala mestre no sala administrasaun, ho 78% no 73% respostas, respetivamente, deskonfortavel.



55% husi respondente sira espresa **ta'uk**, enkuantu 36% sente **la konfortavel** ho sentina sira iha eskola.



Problema seguransa ne'ebé identifika

Ambiente Fíziku



Iluminação la di'ak ka la sufisiente

71% husi respondente sira husi instituisaun hotu indika katak iluminasaun la adekua iha kalan iha area sentina-fatin, korelacionadu ho sentimentu inseguransa no desconfortu. Aleinde ne'e, 100% husi respondente sira husi munisípiu ida hateten katak sira ladún iha naroman iha eskritoriu eskola nian, no 97% iha sala Mestre nian, enkuantu 68% hato'o sira-nia preokupasaun kona-ba menus iluminasaun iha sala aula, ne'ebé bele hasa'e vulnerabilidade ba fetu sira no hasa'e risku ba insidente asediu.



Nakloke

100% husi respondente sira hatete katak iha problema ho dezeña estrutura uma ne'ebe la di'ak iha sala eskola 2 no sala aula (51%), dalan sai (saída)_la sufisientia iha kazu emergjencia. Aleinde ne'e, 48% relata katak iha dezeñu ne'ebé la di'ak iha área sentina iha eskola 4, falta demarkasaun klaru ho kantu delek sira, ne'ebé asosiadu ho sentimentu inseguransa tanba kontrola privasidade ne'ebé la sufisiente.



Vizibilidade la di'ak

45% husi respondente sira relata katak iha blokeiu iha área sentina no 51% iha aula, ho 100% ne'ebe notável husi instituisaun ida hateten hanesan. Kondisaun sira ne'e bele fó oportunidade ba kriminozu sira hodi halakon no aumenta risku asediu ba fetu no labarik-fetu.



Kondisaun la di'ak iha dalan la'o fatin

100% husi respondente sira hateten katak iha dalan la'o fatin ne'ebe blokeadu (ho lixu no estrada rasik boot) to'o ba eskritoriu, 50% to'o ba aula, no 38% to'o ba sentina iha no premisaun eskola nian. Kestaun hirak-ne'e hamosu risku seguransa ba fetu no labarik-fetu sira liuliu sira ne'ebe ho defisiénsia..



Seguransa/Protesaun la di'ak

100% husi respondente sira husi munisípiu ida hatete sira sente la seguru iha sala mestre nian, ho 97% hatudu sentiment hanesan iha sala administrasaun ne'ebe laiha naroman ka iluminasaun diak no densidade iha area sala hirak ne'e.

Ambiente Sosial



Densidade públiku ne'ebe as

Iha preokupasaun substansial husi 100% husi respondente sira kona-ba ema barak liu iha área eskola, 51% iha salaun, 49% iha sala aula no 40% iha área sentina-fatin. Ida-ne'e fo risku ba fetu sira ne'ebé hasoru insidente hanesan asediu, intimidasaun, no hahalok-aaat, tanba fetu no labarik-fetu sira bele sente presau atu defende sira-nia fatin pesoál iha fatin ne'ebé ema barak liu.



Diversidade Jéneru

36% husi partisipante sira hatudu preokupasaun kona-ba fetu no labarik-fetu ne'ebé la sente seguru iha sentina-fatin ne'ebe dominadu liu husi labarik mane, rezultadu fetu sira sente lasegura bainhira asesu sentina sira ne'e. 'Nune'e mos, 100% hatudu sentimentu inseguransa hanesan iha eskritóriu, enkuantu 49% hato'o esperiéncia preokupasaun hanesan ne'e iha klase laran.

Rekomendasaun ba periodu badak

Tuir mai mak rekomendasaun sira ba **Governu** atu foti asaun imediata



Hadi'a infraestrutura iluminasaun

Alokasaun fundu ba instalasaun iluminasaun boot liu no sensor movimentu no inklui planu atu hadi'a iha Planu Asaun Anuál (PAA) 2025 no iha futuru.



Reforsa medida seguransa fízika

Aumenta kuantidade pesoal seguransa. Instala cámara vijilansia, implementa barreira fízika no inklui planu hadi'a iha faze Planu Asaun Anuál (PAA) 2025 no iha futuru.



Kria espasu seguru dezinadu

Identifika no dezeña área seguru iha instituisaun públiku sira no inklui planu hadi'a iha iha Planu Asaun Anuál (PAA) 2025 no iha futuru.

- iha ne'ebé **organizasaun sosiedade sivil** sira iha papel kritiku atu monitoriza progresu no halo advokasia ho instituisaun governu relevante. Enkuantu papel husi **parseiru dezemvolvimentu** sira mak atu fornese apoio tékniku no suporta esforsu advokasia.

Rekomendasaun ba tempu naruk



Optimiza dalan la'o fatin atu aseguara seguransa no asesibilidade

Governu: Hala'o avaliasaun hodi identifika risku seguransa sira. Asegura dalan la'o ne'ebé mantén ho di'ak, asesível, no iluminadu tuir dalan ne'ebé adekuaadu

Organizasaun Sosiedade sivil: Partisipa iha avaliasaun no fó kontribuisaun kona-ba risku seguransa sira. Monitoriza manutensaun ba dalan ba la'o fatin.

Parseiru Dezemvolvimentu: Fornese suporta tekniku no suporta esforsu advokasia.



Promove diversidade jéneru no inkluzividade

Governu: Implementa polítika no iniciativa sira atu promove diversidade jéneru no inkluzividade.

Organizasaun Sosiedade sivil: Monitoriza implementasaun polítika diversidade jéneru. Halo advokasia ba inkluzividade iha instituisaun públiku.

Parseiru Dezemvolvimentu: Fornese rekursu no suporta ba programa diversidade jéneru.



Enkorraja envolvimentu komunitária no programa konxensializaun

Governu: Organiza kolókiu seguransa, patrulla komunitária, no programas estensaun sira.

Organizasaun Sosiedade sivil: Partisipa iha no fó suporta ba atividade envolvimentu komunitária.

Parseiru Dezemvolvimentu: Fornese fundu no rekursu ba programa envolvimentu komunitária.

Kustu

Kustu estimativa ida ba implementasaun hadi'a seguransa iha Instituisaun Edukasaun haat ne'e iha momentu ne'e la disponível tanba iha nesesidade oin-oin atu hadi'a.

Tanba ne'e, importante atu aloka fundu adekuaadu atu resolve preokupasaun seguransa sira ne'e. Ba hadi'a ne'ebé prezisa orsamentu boot, di'ak atu planea intervensaun sira ne'e iha faze sira atu aseguara eficiente ba orsamentu no utiliza rekursu sira ne'ebé disponível.

Kontaktu Detallu:

Domingas doa Santos Saldanha Alberto
Ofisial Advokasia, **Rede Feto Timor-Leste**
+670 77356663/amyng.saldanha@gmail.com

